

## An Intanvez.

Sellaouit hag e kleffot, hag e kleffot kana  
Eur vers a zo kompozet a nevez ar blo man.

Zo gred da eun intanvez iaouank var he eil dimizi,  
Lesvamou kris hag ingrat profitit anezi.

Eman kemer an den man siwas var he malheur,  
Eun intaon fur a prudant en dewa eur bugel.

Dizi aliez a veach kent dont d'eureuji en deus rekomandet  
Ar c'hraou(a)dur d'ober dezan evel men diche meritet.

Hi a promesse deza gant gwir fidelite  
E deuje d'ober d'ar c'hraou(a)dur evel pa viche dèzi e viche.

Pa voa laked da vestrez var danvez ar bugel  
Hi he maltrete bemdez kement-man zo kruel.

An ozac'h eun dervez fachet a lavaras dizi  
Chenchet bras eo ma c'hraouadur baoue ma och deud d'am zi.

Hi a responte dezan en eur touet doue  
Man na hache deus e fass, peotramant en lasche (1)

An ozac'h oc'h e c'hleffet appezas e goler  
Gant aont d'ober goal vuhez, aont na rache malheur.

Eun dervez a sortias  
He lakas er goele dindan ar c'holc'het.

Pa vele ar valeu(ru)zez ne voa ket evid dond de abreji  
En deus laket dour var an tan en eur goter da vervi.

Pa voa e c'hoter gati neuzi (2) a goz-vervet  
Ar bugel deus ar goele neuze neus bet tenet

A gant ar goad diontan e he bed abimet.

Neuze al lezvam miliget gant eur goler ar vrasa  
Ar bugel er goter a deveus bet tollet

Mez Doue ol puissans en neus bed permettet  
Ma vije gant ar bed ol e c'hrim ananvezet.

~~Meronez ar c'hraouadur voa genta~~ (3)

Eur flam tan a goezas var beg ar chiminel  
A reas da dud ar c'hontre diredec oll buhen

Oll e krient neur lavarar krog he an tan en ti  
Red he forsi an dorjo ma ne aller o digeri.

Meronez ar c'hraouadur voa ar genta remerkas  
En eur goter didan ar goële kalz a dud a zimplas.

Neuze voa kerc'het ar valeüruzez evid beza punisset.  
E bunission gruel e deuz-hi meritet.

Neuze e zeo kondaonet da veza divisket  
Laked eo en he c'herc'hen eun iviz roussinet.

Goude se e beo en tan e zeo bed tollet  
A goude se he ludu gant an avel goëntet.

Anna Briant, greg Prigent. Taole, 24 juin 1851.

(1) *D'abord : lac'hche ; l's ( de lasche) en surcharge sur c'h (de lac'hche).*

(2) *Ms : neuzi ; lire : neuze.*

(3) *Vers barré dans le ms de Penguern.*